

## **MANIFIESTU POLA LLINGUA MATERNA**

El 21 de febreru festexamos el Día de la Llingua Materna. Festexamos que nesta tierra tenemos una llingua nuestra, vuestra, de toos y toes.

Y por eso queremos falar nesti día de la llingua asturiana, una llingua que queremos y defendemos por munches razones:

- ✓ Porque en llingua asturiana puedo falar, compartir y aprender.
- ✓ Porque en llingua asturiana puedo estudiar les tables de multiplicar, lleer una novela y echar un cantarín.
- ✓ Porque en llingua asturiana puedo pidir perdón, dar les gracias, ayudar, emocioname y hasta suañar.
- ✓ Porque la llingua asturiana ye de los neños y les neñes, de la xente de toles edaes, de cualquier raza, sexu, ideoloxía o relixón.
- ✓ Porque tamién hai deportistes, investigadores, actrices y actores que falen n'asturianu.
- ✓ Porque la comida tamién se diz n'asturianu: carne de xatu, pixín rebozao o arroz con lleche requemao.
- ✓ Porque l'asturianu ta nes canciones pa neños, na ópera, nel rock, nel rap y el pop, nel folk y na canción tradicional.
- ✓ Y porque saber asturianu ye saber algo más qu'una llingua: ye un sentimientu y una oportunidá.